


Årsmelding 2017

Hareidsstemna

13.-22. OKTOBER 2017



HOVUDTALAR PÅ STEMNEFESTEN, EDVARD MOSER
HAREIDHALLEN LAURDAG 21. OKTOBER KL 19.00



KONSERT MED KETIL BJØRNSTAD
HAREIDHALLEN TORSDAG 19. OKTOBER
KL 19.00

Stemneleiing: Kari Riise og Hans Otto Øvrelid.

Styret: Dag Brekke (leiar), Grete Nedrelid, Ragnhild Strømmegjerde, Hans Otto Øvrelid og Elling Bjåstad.

Vara: Marit Kvammen, Kristine Hareide.

Valnemnd: Elling Bjåstad, Unni R Apelseth og Ingvild Åkervik.



SANS: Faculty of Funk heldt konsert på Sans pub: Funky musikk av gruppe frå Volda og omegn.

Søndag 15.oktober

Hareidhallen

Hjørungavåg Brass med Rein Alexander og Birgitte Grytten Velsvik. Hjørungavåg Brass feira 25 år med storslått gla-konsert og særskild dyktige solistar. Konferansier Ole Frank Bakken kunne ønske velkomen til fullsett sal med ca. 600 frammøtte. *Rein magi* var omtalen frå Vikebladet.

Tysdag 17. oktober

Hadartun: Grimstadkoret heldt som vanleg programtime ved Hadartun. Programmet deira inneheldt i år god korsong, ei fin soloframføring med song og pianospel av Arnt Ole Grimstad, diktlesing ved Jon Kåre Mork og eit innlegg om Hareidsdalen i gamledagar framført av Ottar Grimstad som hadde teke turen nedover frå Alta. Det heile var godt gjennomført. Einar Holm greip ordet mot slutten, og delte fylgjande skråblikk med salen, «det er dette som er dei eigentlege hareidsstemna».

Aulaen på ungdomsskulen: Balljegovø i regi av Hareid mållag.

For første gong vart den tradisjonsrike balljegovøa helde på ungdomsskulen og ikkje på Holesanden. Det gjorde at det vart rekordmange som fikk vere med på dette. God mat, god prat og litt lått og løye gjorde at vi alle gikk heim litt tyngre i magen, litt lettare til sinns og litt varmare om hjartet.

Fredag 13.oktober

Ishavsmuseet: Polarkveld på Ishavsmuseet: Oddvar Svendsen er dr.art i historie frå UiT. Han heldt føredrag frå boka si I sporet etter Halvard Devold og Helge Ingstad i Eirik Raudes land. Det vart også vist ein film som er laga av barnebarnet til Halvard Devold som i 1931 erklærte Eirik Raudes land for norsk. Etter føredraget vart det servert moskuskjøt.

Laurdag 14.oktober

Hareid Blandakor song ved bysta til Johan H Grimstad der det også vart lagt ned blomster. Sjølv opninga av Hareidsstemna 2017 vart gjort i Hareid kunstlag sine lokale i Kjøpmannsgata. Rådmann Ragnhild Velsvik Berge opna årets stemne med ein historisk gjennomgang og ei hylling til kulturlivet i Hareid.

Hareid kunstlag opna si utstilling med kunstnarane Kristine Hareide, Bente Sellevoll og Rita Slåtterøy. Sjølv opninga vart gjort av leiaren for Ulstein kunstlag, Aud Marit Wiig.

Vonheim: Lyrikktime og kunstutstilling. Det er eiga stemning i veggane i denne kulturheimen. Dei frammøtte fikk sjå teikningar frå ein ung Hermod Riise og høyre dikt frå fleire opplesarar som Marit Kvammen, Aud Brekke, Johs. Klungsøyr og Endre Havåg. Ei fin stund!

Onsdag 18.oktober

Hareid bedehus: Markering av Iver-Kalla sitt arbeid for speidarane i Hareid. Arrangørane heidra Iver-Kalla som gjennom tre tiår gjorde eit stort arbeid som kulturberar, folkeopplysar og ein dannar i kulturell og religiøs mening. Det var godt oppmøte på arrangementet, og dei frammøtte fekk ein god kveld med framsyning og mimring rundt gamle lysbilete frå 50-, 60- og 70-talet, deling av gamle historier, bordkonkurranse med Kims leik, allsong, matservering, kåseri av Sverre Bjåstad med meir. Initiativtakarar for arrangementet var Einar Måseide og Jostein Bjørndal. Programleiar var Oddbjørn Grimstad. Arrangementet blei verdig avslutta med rosing framført på trompet.


Hareidhallen: Fortid vert Framtid av Hareid kulturskule og Hareid ungdomsskule: Stor satsing og flott samarbeid om eit stykke skrive av Leiv Arne Grimstad om Hareid kommune si 100 år gamle historie. Musikk, film, opplesing, intervju og teater med eigenproduserte kulissar gjorde dette til ein flott, underhaldande og lærerik kveld for publikum i alle aldrar.

Gruppa Kontrollert Kaos vart tildelt nynorskprisen Målblomen av Hareid mållag for å vere stolte brukarar av eiga dialekt i sine tekstar.

Hareidsstemna

VELKOMEN TIL HAREIDSSTEMNA – 13.–22. OKTOBER 2017

Meir programinfo på www.hareidsstemna.no og på Facebook



Fredag 13. oktober

Kl. 19.00 POLARKVELD: «EIRIK RAUDES LAND» v/ODDVAR SVENDSEN, PÅ ISHAVSMUSEET AARVAK I BRANDAL. FOREDRAG + MIDDAG (kr 325,-. Berre foredrag kr 125,-)

Laurdag 14. oktober

Kl. 15.00 SONG OG BLOMAR VED JOHAN H. GRIMSTAD-BYSTA. **HAREID BLANDAKOR**
Kl. 15.30 OPNING AV HAREIDSSTEMNA v/**RAGNHILD VELSVIK BERGE** – RÅDMANN I HAREID – I GALLERIET I KJØPMANNSGATA, OG OPNING AV KUNSTUTSTILLING: **BENTE SELLEVOLL**, **KRISTINE HAREIDE** og **RITA SLOTTØY**. OPEN ALLE DAGAR HEILE STEMNEVEKA
Kl. 18.00 **LYRIKK OG KUNSTUTSTILLING** MED KAFFI, BRUS OG KAKER I RASOFIELGARDEN. GRATIS INNGANG.
Kl. 20.00 KONSERT PÅ SANS MED **FACULTY OF FUNK**. BILL. KR. 150,-

Søndag 15. oktober

Kl. 11.00 GUDSTENESTE I HAREID KYRKJE, HAUSTTAKKEFEST V/BARBRO LANDMARK. INTERNASJONAL MIDDAG PÅ BEDEHUSET ETTER GUDSTENESTA
Kl. 16.00 KUNSTUTSTILLINGA TIL KUNSTLAGET ER OPEN TIL KLOKKA 18.00
Kl. 19.00 GLA'KONSERT MED **HJØRUNGAVÅG BRASS** OG SOLISTAR: **BIRGITTE GRYTEN VELSVIK** og **REIN ALEXANDER** I HAREIDHALLEN. BILL. KR 250,-

Måndag 16. oktober

Kl. 17.00 KUNSTUTSTILLINGA TIL KUNSTLAGET ER OPEN TIL KLOKKA 19.00

Tysdag 17. oktober

Kl. 16.30 **GRIMSTADKORET** HELD PROGRAMTIME PÅ HADARTUN
Kl. 17.00 KUNSTUTSTILLINGA TIL KUNSTLAGET ER OPEN TIL KLOKKA 19.00
Kl. 17.00 OPNING AV KUNSTUTSTILLING I SENTRUMSBYGGET (SNØGGBÅTKAIA). **Alv Rise**, **Bente Mork Blindheim**, **Ingunn Haddal** og **Randi Ringstad**, SALSUTSTILLING. OPEN TIL KL. 19.00
Kl. 19.00 **BALLJEGØVE** I AULAEN PÅ UNGDOMSSKULEN. KR. 250,-. FØREHANDSSAL PÅ CIRCLE K OG STRAX

Onsdag 18. oktober

Kl. 17.00 KUNSTUTSTILLINGA TIL KUNSTLAGET ER OPEN TIL KLOKKA 19.00
Kl. 17.00 KUNSTUTSTILLINGA I SENTRUMSBYGGET ER OPEN TIL KL. 19.00
Kl. 18.00 MARKERING AV **IVER-KALLA** SITT SPEIDARARBEID I HAREID, PÅ BEDEHUSET.
Kl. 19.00 «FORTID VERT FRAMTID» – HAREID KOMMUNE 100 ÅR, I HAREIDHALLEN. MUSIKK- OG KULTURSKULEN I SAMARBEID MED HAREID U-SKULE

Torsdag 19. oktober

Kl. 11.00–18.00 MARKEDSDAG PÅ HADARTUN, MENGDER AV LOKALE PRODUKT OG SERVERING AV KAFFE OG UNDERHALDNING. I VINTERHAGEN
Kl. 17.00 KUNSTUTSTILLINGA TIL KUNSTLAGET ER OPEN TIL KLOKKA 19.00
Kl. 17.00 KUNSTUTSTILLINGA I SENTRUMSBYGGET ER OPEN TIL KL. 19.00
Kl. 19.00 KONSERT MED **KETIL BJØRNSTAD** I HAREIDHALLEN. BILL. KR 250,-

Fredag 20. oktober

Kl. 17.00 KUNSTUTSTILLINGA TIL KUNSTLAGET ER OPEN TIL KLOKKA 19.00
Kl. 17.00 KUNSTUTSTILLINGA I SENTRUMSBYGGET ER OPEN TIL KL. 19.00
Kl. 20.00 UNGDOMSKVELD I BIGSET KULTUROASE.
Kl. 20.00 TRUBADUR **STÅLE DIMMEN**, **GRIM & GRYT**-KVELD PÅ SANS. BILL. Kr 100,-

Laurdag 21. oktober

Kl. 14.00 **SNIPSØYRVATNET RUNDT** FOR 38. GONG. Påmelding: KLUBBHUSET VED HAREID STADION FRÅ KL. 12.30
Kl. 15.00 KUNSTUTSTILLINGA TIL KUNSTLAGET ER OPEN TIL KLOKKA 17.00
Kl. 16.00 KUNSTUTSTILLINGA I SENTRUMSBYGGET ER OPEN TIL KL. 18.00
Kl. 17-19 **STEMNEKAFÉ** I KLUBBHUSET – FØR STEMNEFESTEN STARTAR
Kl. 19.00–22.30 **STEMNEFEST** I HAREIDHALLEN. ALLE DEI FASTE POSTANE OG MYKJE MEIR. PROGRAMLEIAR: ANNE HOLSTAD. BILL. Kr. 250,-
Kl. 23.00 «**BLÅ MIXTURE**» PÅ SANS, BILL. KR 150,-

Søndag 22. oktober

Kl. 11.00 FESTGUDSTENESTE I HAREID KYRKJE. ÅRETS KONFIRMANTAR OG 50-ÅRSKONFIRMANTANE.
Kl. 13.00–17.00 MIDDAGSSERVERING PÅ ISHAVSMUSEET AARVAK
Kl. 16.00 KUNSTUTSTILLINGA TIL KUNSTLAGET ER OPEN TIL KLOKKA 18.00
Kl. 16.00 KUNSTUTSTILLINGA I SENTRUMSBYGGET ER OPEN TIL KL. 18.00

Torsdag 19. oktober

Hadartun: Marknadsdag

Hareidhallen: Pianokonsert og miniforedrag av Ketil Bjørnstad: Konsert i Hareidhallen med «intimt» amfi og nystemt flygel. Bjørnstad spela både egne og andre sine komposisjonar og delte historier frå livet og bøkene sine.

Fredag 20. oktober

Bigset kulturoase: Ungdomsdisko.

Sans pub: Grim og Gryt ølkveld med trubadur Ståle Dimmen

Laurdag 21. oktober

Stemnefesten

Regissør: Rolf Magnus Orø

Programleiar: Anne Holstad

Louise Engeseth er ein ung dyktig sopran frå Volda. Akkompagnert av Olav Egge Brandal på flygel framførte ho Laudate Dominus av Mozart og Våren av Grieg. Olav Egge Brandal framførte også Gangaren av Grieg. Stødig og vakkert.

Bjørn Tore «Birdie» Øvrelid med DJ Elias Johan Liavåg, tok salen med i eigenprodusert rap. Med ei sterk tekst på Hareidsdialekt og høg kvalitet også musikalsk, var det kjekt at dei fikk presentere seg for eit større publikum.

Kaja Rode frå Ulsteinvik hadde ekstra publisitet på førehand sidan ho i denne perioden var med i «The Voice» på TV2. Ho skuffa ikkje og var med på å løfte programmet og publikum med «Listen» av Beyonce og Eva Cassidy si tolking av «Over the rainbow».

Thomas Frekøy Skeide er ein ung entertainer frå Herøy. Han song m.a. Pianoman av Billy Joel til eige akkompagnement på flygel og munnspele til stor applaus og høg stemning.

Nobelprisvinnar og Hareidsdøl, Edvard Moser heldt ei interessant tale om eiga forskning på minnesenter i hjerna. Han ville også framheve kor viktig det er å formidle forskning og forskingsresultat. I våre tide med «fake news», er kunnskap og forskning viktig for å sikre demokrati og godt grunnlag for styring av samfunnet.

Humorinnslaga frå Katrine Holstad (henta frå Dimnarevyn) om utfordringane med tronge bunader og visjonen om å gjere «Hareid great again» utløyste latterbrøl frå eit samla publikum. Ein skikkeleg stemningsskapar!

Kulturprisen vart delt ut av ordførar Anders Riise til Hareid historielag ved Einar Holm. Hareid historielag har gjort eit stort arbeid for å ta vare på og dokumentere Hareid si historie både i tidlegare år og i 2017 med eit krafttak ved å gi ut jubileumsboka «Hareid 100 år».

Hareid kulturskule og Hareid ungdomsskule framførte avslutningsnummeret frå stykket «Fortid vert framtid.»

Kora: Hareid kammerkor, Grimstadkoret, Hareid Ten Sing, Brandalskoret, Gollj og Gråstein og CorSonus hadde variert repertoar og høg kvalitet. CorSonus kom rett frå NM i korsong med svært godt resultat. Dei er alle med på å gi breidde og fylde til stemnefesten. Det er med stoltheit vi presenterer desse som våre

kor frå Hareid. Ekstra stas vart det for Hareid Ten Sing som fikk Ungdomens kulturpris denne kvelden.

I samtale med programleiar Anne Holstad, presenterte Bente Sellevoll årets stemnebilet. Ho viste prosessen med å skape eit bilete i fotocollage og vart intervjuet om sin veg til å jobbe kunstnerisk med denne uttrykksforma.

Husbandet Taffelheldane med Ragnar Øvrebø, Rune Ertesvåg, Peter Demirov og Peter Nygjerde akkompagnerte Kaja Rode i hennar framføringar. Dei avslutta også kvelden med eit eige nummer.

Vikebladet Vestposten gav slik omtale av festen: *Det gjeikk frå høgdepunkt til høgdepunkt under Stemnefesten i Hareidhallen laurdag. Med unge talent, vakker korsong, humoristiske innslag og mykje god underhaldning vart dette ein flott festkveld på Hareid.*

Ei stor takk til Anne Holstad som leia festen med stø hand og små glimt av poesi undervegs.

Takk også til regissør Rolf Magnus Orø for organisering og regi.

Sans Pub: Konsert med Blaa Mixture og trubadur Ståle Dimmen





Foto: Andreas Bjerknes, Vikelaget/Vestposten





Stemnekunstnar Bente Sellevoll og stemnekunstverket.

HOVEDSPONSOR 2017:



SPAREBANKEN MØRE



HAREID KOMMUNE



SPONSORAR 2017:



Møre og Romsdal
fylkeskommune

VI STØTTAR HAREIDSSSTEMNA:



Hjørungavåg Transport
Island Offshore Shipping AS
Ulstein Betongindustri AS
G.Eilertsen AS
T.Riise AS
Advokat Hans Flø
Akzidenz AS
Conplan AS
COOP Prix Hareid

Eurospar Hareid
Floriss Hareid (Angelsen)
Hareid Skipsservice AS
Hydropool Norge (Badebutikken)
Libra Plast AS
Møbelringen Ulsteinvik
P.F.Waage AS
Top Fix AS
Trådkråa

Øyvind Yri
Boindustri AS
Brekke & Kleppe Anlegg AS
Euronics Hareid (Elektrosenteret AS)
Moldskred Regnskapskontor as
Point Offshore
Ward1 As